

十朝东华录

雍正朝第四函

函六册

雍正六年戊申春正月癸丑諭內閣從前將江南河兵一千名撥往河南教習繕塿原議回日裁汰但此兵丁既熟悉繕塿尚可留用今詞河道總督齊蘇勒南河仍有需用之處此一千兵丁不必裁汰著仍留營差用河工差遣武弁之處甚多每營止有守備一員管轄亦屬不敷且關少武職大員著添設參將一員遊擊二員守備十員令參將管轄遊擊分管名爲河營○以西柱爲江南河道副總河由內閣特請學士題○丁巳封青海尼魯特扎薩克台吉羅卜藏察罕爲輔國公○己未閩浙總督高其倬奏同安縣大姓李姓陳姓蘇姓莊姓柯姓合爲包姓小姓各雜姓合爲齊姓彼此聚眾格鬥互相殺傷隨經差委員弁將大姓爲首之李邦小姓爲首之葉祖傳等擒獲究審以警愚悍之習得旨此等處須要鼓舞屬實心盡力方能有濟設遇一二有爲者甫欲整理稍加振作緣耳目不明譏謗易入拘以文法不原其情輒目之爲多事喜功屬員窺見隱微人人惟思潔身自全而已誰肯任怨任怨勇往向前汝等督撫操通省權衡意指所向好惡愛憎關繫非淺若肯強勉如此力行一二年後見有成效始信朕言之不誣也一人之精力有限如不合服力以爲用諸務殊難就理惟宜廣視聽勤訪察再加以委用得人則何事不克辦集耶○壬戌調朱綱爲福建巡撫常香爲雲南巡撫○甲子諭內閣君臣上下之間必至誠相接始不愧堂廉一體之誼朕待內外大小臣工推心置腹事事至誠而爲臣

者尙忍以僞妄欺詐之意待朕其罪誠不可逭宜兆熊乃旗下平常無能之人因其尙忠厚謹慎荷蒙 聖祖仁皇帝深恩用至福建將軍伊在任並未出力報效及朕卽位以來伊亦不過尋常供職前因直隸總督員缺一時不得其人故令伊署理印務界以畿輔節制之重任教導訓誨至再至三然則朕之恩尙可負乎劉師恕向來過誤多端近來屢經彰著朕見其人尙謹慎小心且年力精壯深有悔過遷善之念是以寬宥格外加恩令其協辦直隸總督事務以觀後效然則朕之恩尙可負乎張廷保年羹堯案內獲罪之人且又虧欠錢糧法難寬貸朕念伊祖張玉書在 聖祖仁皇帝時效力多年而伊之過犯大約由於年羹堯之挾制不能自主於是赦其過愆復其官爵諄切訓諭冀其成人伊亦感激愧悔奏稱情願竭力報效朕是以用爲直隸布政使然則朕之恩尙可負乎魏定國由知州擢用知府又經福敏法海保薦是以用爲直隸按察使且因伊服官效力朕推恩及於其父逾格優待然則朕之恩尙可負乎大名府知府曾達聖前者被參虧空朕料其歷任多年必有作弊貪贓之款令該督藩臬等曉諭該地方若果有被屈受害之人准其據實控告審理以懲貪墨昨聞有老秀才呈告曾達聖居官劣款而張廷保將此秀才嚴刑斃命許稱在監病故且坐以平素積惡之名不思辯冤既奉諭旨誣告自有國法卽此秀才果有應得之罪亦當審實奏聞按律置之於法方足以服眾心豈有訟獄未定曾達聖之案未結而將首告之人遽以三木畢其性命之理此必有意袒護曾達聖惟恐控告者多先殺一人以箝眾口似此慘酷之行世所罕見宜兆熊劉師恕身爲總督若罔聞知負朕任用之恩甘蹈徇隱之咎尙得謂之事君以誠無欺無隱者乎魏定國專司一省刑名乃任張廷保之恣意妄行全不置問及朕面加詰責則將顛倒是非草菅人命數案全推於張廷保而置身

於事外若然則直隸之設立臬司衙門者何爲朕之簡用魏定國者又何取乎朕以至誠待諸臣而諸臣以欺詐待朕若不嚴加懲治此風何由而息張道槐定國俱著解任著福敏史貽直前往保定將曾達聖各案及夾斃秀才情由一一秉公嚴審務將實情悉行究出不得絲毫徇隱○解高成齡在調岳清爲山西布政使強阻麟爲山東布政使以趙向奎爲江蘇布政使由補○以張燦爲直隸按察使由補○乙丑晉封故惠郡王博翁果諾孫貝勒珠琳爲惠郡王領國公弘春爲貝子○甲戌添設江南蘇松屬吳淞天妃七浦三閘閘官各一白茹徐六涇二閘閘官共一員○丙子轉錢以增爲禮部左侍郎以石文煒爲禮部右侍郎由補○

戊寅諭內閣凡律例之設乃詳情察理揆度至當而後定者也審擬罪案之時應引某條則引之斷無輕重任意或介在兩可之理常見外省本章及法司議覆疏內往往有先引一例復云不便照此治罪更引重罪以坐之此乃臣下巧於營私之陋習或欲以嚴刻之名歸之於上或冀法外之恩巧於開脫均非明允之道從前已經降旨禁止而去冬刑部本內猶有蹈此者夫治獄之遵義得

其平而司刑之官在乎執法今以一罪而引兩律則是法無一定而獄不得其平矣豈朕明刑弼教之至意乎嗣後再有兩引律例者外省督撫提鎮本章著通政司駁回將情由參奏三法司本章著內閣駁回將情由參奏若所犯之罪當引輕律而故意坐以重

罪亦難逃朕之洞鑒內外執法臣工各宜懷遵毋忽○以王承烈爲左副都御史徐鼎爲江西布政使由補○以高斌爲廣東布政使由補○吳昌祚爲山東按察使由補○己卯以刑部右侍郎張保吏部右侍郎舒楞額俱兼管左都御史事兵部右侍郎胡煦協理副都御史事○先是雍正三年四月原任雲貴總督高其倬奏安南國疆界有內地舊境一百二十里應加清理於臨

呪河立界安南國王具奏陳請上命雲貴總督鄂爾泰復行清查給還八十里於鉛廠山下小河以內四十里立界安南國王復激切陳訴五年五月初四日上敕諭安南國王曰朕令內外地方官清理疆界據原任雲貴總督高其倬遵旨詳考志書知開化府與安南國渭川州之界當在開化府邊春里賭呪河是以於斜路料等處設立防汛以肅邊境比因該國王具奏前來情詞懇切朕以懷遠爲心勉從所請諭令該督撤回防汛人員別議立界此朕委曲保全之特恩也嗣據新任總督鄂爾泰奏稱查得鉛廠山

下地方山川形勢中外截然且志書可憑糧冊可據塘汛舊基可查居民服飾可驗實係內地應於此立界誠爲仁至義盡等語朕允其所奏頒諭該國王遵奉施行科王祇承之下定當鼓舞歡欣戴朕錫土甯人之德歸躍拜命乃該國王仍復具奏辯訴是王以執迷之心蓄無厭之望忘先世恭順之惻忱負朕懷柔之渥澤也高其倬鄂爾泰皆公平鎮靜之臣非喜事邀功之輩祇以官守所

在不敢曲徇私情朕統御寰區凡茲臣服之邦莫非吾土何必較論此區區四十里之地但分疆定界政所當先侯何要荒事同一體目今遠藩蒙古奉朕諭旨莫不欽承恐後豈該國素稱禮義之鄉獨違越於德化之外哉王不必以從前侵占內地爲嫌中心疑懼必欲拳拳申辯此乃前人之誤非王之過也王惟祇遵朕諭朕不深求其既往仍加惠於將來儻意或遲回有失從前恭順之意

則朕亦無從施懷遠之仁矣朕怙冒違方至誠至切用是諄諄諭思之思之復於九月二十六日命副都御史杭奕祿內閣學

士任蘭枝往安南國宣諭杭奕祿等尙未至安南安南國王接領五月初四日 敕諭感恩悔過至是雲貴總督鄂爾泰以其陳謝

表文奏呈表文曰安南國王臣黎維禔謹奏十二月初二日接領 敕諭焚香披閱喜懼交并竊臣國滇川州與雲南開化府接壤

原以賭呪河爲界即馬伯汛下之小河臣國邊目世遵守土臣罔知侵占內地爲何等事且未奉 詔書是以備因陳奏旋奉 敕

諭令撤回斜路村等處人員別議立界之地仰蒙 慈照欣幸無涯今復奉 敕諭定於鉛廠山小河立界 諭臣勿特優待之恩

懷無厭之望白于國典臣咫尺天威彌深木谷目今鉛廠山經廣南知府先已設關門築房屋立界碑臣國邊目土目遵臣勝訪帖

然無言臣竭誠累世向化 聖朝蒙 聖祖仁皇帝柔懷六十餘年今恭逢 皇帝陛下新膺景命如日方升且薄海敷天莫非臣

土此四十里地臣何敢介意有所觖望也茲荷 綸言曉諭誠切臣感戴 聖恩欣躍歡忭惟願萬方拱命 聖壽無疆 聖朝千

萬年太平臣國千萬年奉貢謹奏得旨覽王所奏感恩悔過詞意虔恭朕特沛殊恩將雲南督臣等查出之地四十里賞賜該國王

尋頒 敕諭齎送雲南即令杭奕祿任蘭枝前往安南宣讀 聖諭敕諭曰朕前令守土各官清查疆界原屬行之於內地未令清

查及於安南也督臣高其倬以職任封疆詳考志書兼訪輿論知開化府與安南分界之處當在逢春里之賭呪河於是一面設立

防汛一面奏出比因該國王陳奏朕特降諭旨命督臣另議立界又恐高其倬固執己見復命接任總督鄂爾泰秉公辦理鄂爾泰

體朕懷遠之心定界於鉛廠山下小河一面設立防汛一面奏聞較之舊界已縮減八十里誠爲仁至義盡此皆地方大臣經理疆

界職分所當爲者也朕統馭寰區凡屬臣服之邦皆隸版籍安南既列藩封尺地莫非吾土何必較論此區區四十里之壞若該國

王以至情懇求朕亦何難開恩賜與祇以該督臣兩次定界之時該國王澈切奏請過於朕望種種陳訴甚爲不恭該國王既失事

上之道朕亦無從施惠下之恩此天地之常經上下之定體乃王之自取非朕初心也頃鄂爾泰將該國王上年十二月內本章呈

奏知該國王深感朝廷怙冒之仁自悔從前執迷之誤踊躍拜命詞意虔恭朕覽閱之餘甚爲嘉悅在王既知盡禮在朕便可加恩

況此四十里之地在雲南爲朕之內地在安南仍爲朕之外藩一毫無所分別著將此地仍賞賜該國王世守之並遣大臣等前至

該國宣諭朕衷朕念已加惠藩王亦當俯從民便僑此地居住民人有情願入內地者已令督臣鄂爾泰酌量料理並諭該國王知

之○辛已諭雲貴總督鄂爾泰覽安南國王陳謝本章感恩悔過踊躍拜命情詞甚屬恭順該王既知盡禮朕亦便可加恩著將此

四十里之地仍舊賞賜該國王特頒敕諭一道仍令杭奕祿任蘭枝齊往彼國宣諭朕意但思朕既加恩外藩亦當俯從民便此四

十里內所居人民若有情願移內地居住者可加意資助安插目今滇省見有開墾地土之事令伊等受田耕種務使得所其情願

仍居外地屬安南管轄者亦聽其意

二月壬午朔兵部議覆川陝總督岳鍾琪奏川省甘肅善後事宜一建昌土司惟河東河西宣慰司甯番安撫司三處地方最廣而

河東半近涼山半近內地請仍授安承爵之女安鳳英爲長官司約東涼山一帶其附近內地者俱改隸流官管轄至河西甯番偏

一

一

一

一

一

一

一

一

一

一

近內地悉改歸流其阿都宣撫司阿史安撫司及紐結至溪等土千百戶共五十六處一併改流近衛者歸衛管轄近營者歸營管轄並擇番苗之老成殷實者立爲鄉約保長令其約束一建昌舊設通判應裁改置一府設知府一經歷一裁建昌衛及左中前三所禮州守禦所改置一縣其甯番鹽井二衛俱裁改置二縣各設知縣一典史一會川衛改併會理州移會川營于總帶兵一百名分防州屬之會理若竹者保三寨以上一州三縣俱隸新設府轄一建昌爲邊疆重地請於越篇所屬之柏香坪添設守備千總把總各一駐兵三百名冕山貼近乾縣添設遊擊一中軍守備一千總二把總四駐兵五百名移冕山營中軍守備駐甯番衛城添兵二百五十名甯越營原設守備應改爲都司添設千總一兵一百五十名鹽井衛添設遊擊一千總二把總一兵二百五十名其原設守備改爲中軍守備帶把總一兵一百名移駐河西會川所屬之披砂添設遊擊一中軍守備一千總二把總四兵五百名再撥建昌鎮標中軍守備一帶兵八十名移駐建昌東之木托撥建昌鎮標右營遊擊一千總一帶兵二百五十名移駐建昌西北之熱水各與該地方之原設弁兵協同防守一苗民頑蠢性成地方文武官員如有勒索科派等弊應計贓治罪上司失察亦一併究擬一各衛所漢苗雜處田土交錯多有欺隱致相訐告地方官應於農隙之時履畝視勘務俾各守己業永杜爭端一苗保等類每爲漢人奴婢應令地方官查明稟行發還如果有身價酌量追給贖回違者治罪一番漢交界之處每月立定場期三次彼此公平交易該管官差兵役稽查不許漢民用強短價及兵役藉端藉勒其或私人夷穴交易別有勾結情弊從重治罪地方官失察者一併議處一苗民既知向化卽與齊民無異令該管流官一體編入保甲互相稽查一禁止漢民誘騙蠻人什物僱被控告照例追贓治罪外如有兇蠻無故將漢民綁擄以及被漢民誘騙不告官司肆行綁擄者將惡蠻從重治罪一苗蠻散處遠方每有此處土司所轄而居住彼處者遇有事故每多隱漏應令該管官編造戶冊分清住址備有事犯卽於該地方追究一苗保舊俗多以利刃隨身口角細故逞兇殘殺今既改土歸流應飭地方官轉飭該管頭目人等旅行查禁不許帶刀出入並不許私藏鳥槍違禁等物一苗民散處山等易於逃遁如遇地方失事汛官帶兵巡捕地方官差役嚴拿並移會鄰汛協力窮追務獲如有徇庇疏縱及牽累良苗者將該管官弁分別議處從之特建昌新設府日甯遠建昌新設縣日西昌甯番新設縣日冕甯鹽井新設縣日鹽源日甲申諭禮部朝鮮年貢之例每年貢米百石朕念該國路程遙遠運送匪易著減去稻米三十石江米三十石每年止貢江米四十石足供祭祀之用永著爲例乙西戶部議覆四川巡撫憲德奏越溝衛官馬廠等處番民五百二十五戶願入版圖認納蕎龍一百四十一石以充賦稅應如所請令其每年照數輸納起爲衛所就近撥充營汛兵餉從之丙戌諭宗人府果郡王爲人直樸謹慎品行卓然朕卽位以來命王辦理藩院及三旗事務數年王矢志誠懇不顯及已私執特正理榮不瞻徇贊襄朕躬允稱篤敬王微有弱疾雖偶爾在家調養而一切交辦事件仍然盡心料理今承我 聖祖皇考六十餘年至聖至神化治宇宙之恩普天共享昇平固無庸似著年譜王效力於行間朕以爲若能盡心爲國備極忠誠恪守臣子恭順之道其人爲九勝其事爲九難著將王

晉封親王爲朕之子弟及世子孫之範。諭沿海官弁兵丁因公差被風漂沒者照軍功陣亡例加恩分別優卹其領運弁工及黃河下埽之人亦如之。○丁亥諭內閣朕惟風雨時若巨物繁昌皆由誠敬風格天心用能福佑下民時和歲稔而司天號令長養阜成風神之貺厥功允懋頻年以來朕虔祀龍神福庇蒼生歷有明驗因思古稱雨暘燠寒以風爲本亦宜特降祀典以答洪庥考之周禮大宗伯以燔燎祀風師虞書禋於六宗劉歆鄭康成之說咸謂六宗之內風其一也歷代各置壇兆至宋祥符間曾立風伯廟近代及本朝俱列南郊四配之中典禮具備今欲於都城和會之地特建廟宇因時禱祀以展朕爲民祈福之誠其考據禮儀相度營建之處著禮工二部會同內務府詳議具奏尋議謹按風師爲箕星經傳考據歷有明文箕星係蒼龍之第七宿位在東北致祭方向自宜就其星位謹擇都城東北官房一所建立廟宇規模倣時應宮式樣俟廟成之日行令欽天監擇吉供奉從之。○戊子裁江西豐城縣江許司巡檢歸併柘源司巡檢管理。○庚寅議敘剿撫苗疆功給貴州提督楊天縱施沙喇哈番。○辛卯調徐鼎爲直隸布政使以李蘭爲江西布政使趙宏恩爲湖南按察使。由湖北武昌道遷○壬辰禮部議准福建巡撫常賚奏選羅國王誠心嚮化遣該國夷商運載米石貨物直達廈門請聽其在廈發賣照例徵稅委員監督嗣後暹羅運米商船來至福建廣東浙江者請照此一體遵行得旨依議米穀不必上稅著爲例。○癸巳上御經筵。○兵部議准雲貴總督鄂爾泰奏烏蒙鎮雄地方遼闊且烏蒙緊接東川鎮雄兼接威甯謹酌定營制烏蒙設立一鎮以總兵一員統轄率領遊擊一守備一千總二把總四兵一千三百名駐紮烏蒙分設遊擊一千總一把總二兵三百名駐紮大關遊擊一千總一把總二兵三百名駐紮涼山守備一把總二兵二百名駐紮米帖守備一把總一兵二百名駐紮魯甸守總一兵一百名駐紮鹽井渡千總一兵一百名駐紮雞頭把總一兵一百名駐紮牛皮寨鎮雄添設參將一率領守備一千總一把總一兵六百名駐紮鎮雄千總一兵一百二十名駐紮夷良把總一兵一百二十名駐紮威信把總一兵八十名駐紮卻作把總一兵八十名駐紮吼西改貴州威甯鎮爲一營裁去總兵一遊擊三守備二千總四把總八及兵五百名添設參將一留守備一千總二把總四兵一千名又裁去督標左右援剿兩協副將二遊擊二守備二千總四把總八及兵三千一百名改援剿協原轄之尋甸羅平二汛歸雲南曲尋鎮轄仍留右協兵六百名增入曲尋鎮其威甯及援剿兩協所裁兵三千六百名即以補充烏蒙鎮雄新設兵數再雲南永北鎮兵四百名撥歸維西管分汛防守所有貴州之威甯雲南之鎮雄東川三營總歸烏蒙鎮轄俱受雲南貴州提督節制其威甯原轄之畢赤營歸大定協管轄從之。○甲午設八旗米局。○丙申諭直省督撫布政使等任上作貢天地之常經守法奉公生民之恆性斷無有食地之利而不願輸納正供以甘蹈罪戾者何以錢糧虧空拖欠之弊積習相沿難於整理如此一則胥吏中飽之患未除也或由包攬入已或由洗改串票或將投櫃之銀鈔封竊取或將應比之戶匿名免追種種弊端不可枚舉其故皆由於錢糧完欠細數官未嘗顯示於民在官則以爲民欠在民則以爲已完故吏胥得以作奸而官民並受蒙蔽應飭州縣官每年令各鄉各里書手將所管欠戶各名下已完錢糧若干逐一開明呈送州縣官查

對無差卽用印票出示各財本里使欠糧之民家喻戶曉如有中飽等弊許執串票具控則吏胥不得肆其奸盜矣再則不肖有司借端侵漁那新掩舊之弊不可不察也朕因各省舊欠甚多恐民力難於輸納格外開恩准其分年帶徵其應徵之數得在十年以上者亦有寬至十年以外者酌其多寡分別遠近此朕愛養黎元之至意期於民欠易完而民力可紓也乃聞有不肖州縣官另立私冊於每年應徵分數之外溢額多收及至報解之時止照分數起解該管上司因其已經照數起解不復再行稽查而此多徵之數遂得任其侵那又成虧空之項且民間見已經完納者徒供官吏之侵漁亦遂忘其急公之念而抗延拖欠之事由此而起朕意分年帶徵之項亦應將花戶名下每年應完若干之處詳細開明出榜曉示令其按數完納以上二條乃據朕所聞書示其作何因地制宜與斟酌立法之處總在地方大臣詳查弊端權衡損益督率有司實心經理果有忠誠廉幹之人自無不可清釐之事信乎治賦在乎得人除弊方能立政任地方之重寄者其慎思之○戊戌吏部等衙門議准雲貴總督鄂爾泰奏烏蒙鎮雄既經改土歸流併歸滇省管轄謹查烏蒙鎮雄地方接壤千有餘里而烏蒙地勢尤廣請仍設爲府治其扼要之地一爲天砥去舊治七里軒敞寬平可建城垣請設知府一教投一經歷一司獄一知事一一爲天關里去府城寫遠設通判一駐紮又米貼地方去府治西北三百里控馭險要設知縣一教諭一典史一又魯甸鹽井渡地方各設巡檢一駐紮至於鎮雄較烏蒙稍險請改爲州治稍移而南建立城垣設知州一學正一吏目一其夷良地方設州同一駐紮威信地方設州判一駐紮母享地方設巡檢一駐紮俱歸烏蒙府轄至府州縣文武童生請暫照小學例各取進十名從之尋定烏蒙回烏蒙府附郭縣曰永善縣鎮雄曰鎮雄州○已亥 上親耕藉田○庚子諭內閣外省州縣官員引見時有留京以部屬試用者因觀其才具似屬平常而一時不能遽定是以令其在部辦事以試看之若此等之人用爲部屬卽照例升轉恐平常之員與部中辦事之能員無所分別非當日留京試看之本意凡奉旨交部試用之員俱俟該堂官委用試驗具奏保舉後方准照例升轉將此傳諭各部知之○辛丑以何世璠爲刑部額外侍郎由貴州巡撫題○壬寅諭兵部承順土司彭肇槐恪慎小心恭順素著兼能撫輯土民遵守法度甚屬可嘉據湖廣督撫等奏稱彭肇槐情願改土爲流使土人同霽王化朕本不欲從其所請又據辰沅靖道王柔面奏彭肇槐實願改土爲流情詞懇切朕念該土司既具嚮化誠心不忍拒卻特沛殊恩以示優眷彭肇槐著授爲參將卽於新設流官地方補用並賜以拖沙喇哈番之職世襲罔替再賞銀一萬兩聽其在江西祖籍地方立產安插俾其子孫永遠得所○甲辰諭內閣上年閩湖廣廣東江西等省之民因本地秋收米貴相率而遷移四川者不下數萬人已令四川督撫設法安插毋使失所但思上年江西收成頗好卽湖廣廣東亦非歉歲不過近水之地畧被淹損何至居民輕去其鄉者如此之眾也因時時留心體察今據各省陸續奏聞大約因川省曠土本寬米多價賤而無知之民平日既懷趨利之見又有傳說者謂川省之米三錢可買一石又有一種包攬棍徒極言川省易於度日一去入籍便可富饒愚民被其煽惑不獨貧者墮其術中卽有業者亦嚮產以圖富足獨不思川省食物價賤之故蓋因地廣人稀食用者少是以如此若遠近

之人雲集一省則食之者眾求如從前之賤價豈可得乎況彼此相隔或至千里或數千里小民離棄鄉井扶老挈幼跋涉山川安有餘資以供路費中途困厄求救無門不相率而為匪類勢必為溝中之瘠矣豈非輕舉妄動自貽伊戚乎草野識見庸愚必須訓示方能醒悟為地方官者當撫綏之於平日而勸教之於臨時開其愚蒙恤其窮困時勤訓導使百姓知故土之可戀轉徙之非宜則愚民之不醒悟者亦少矣且各省皆有可墾之田土而所以任其廢棄者其故有二一則民俗好為爭競當其未墾之時則置之不問及至既墾之後則羣起相爭是以將可耕之壤拋為曠土甚為可惜一則墾田必須工本而寒苦之民不能措辦以至委諸其莽為有司者誠能經其疆界以息爭端助其耕種以資耕作寬其升科之年優其上農之賞則百姓斷無有不踴躍鼓舞趨事赴工者矣朕宵旰勤勞無刻不以百姓生計為念茲頒諭旨並非禁百姓之謀食於他方也祇以愚民無知圖利心切惑於邪說見異而遷遂輕舍故鄉甘受流離之苦朕心實為不忍夫在彼此皆吾赤子若本籍果逢歲歉難以資生該地方有司仰體朕心即時奏聞朕必沛以恩膏使之得所何必分散地方以冀不可必得之利著各督撫曉諭官民等知之○丙午四川巡撫憲德奏參軍按察使程如絲奉旨正法於部文未到之前五六日自縊身死顯係提塘先期漏洩應將各省提塘通行裁革得旨提塘管理京報設立久矣豈能禁革不用但伊等借郵傳之名作奸滋弊習以為常如奉旨正法之人可以豫通信息亦可將奉旨寬宥之人先期設詞嚇詐此等弊端不可不加防範應如何定例俾緊要事件不至先期漏洩或以官員承充提塘分別賞罰定其考成著九卿確議議覆提塘之設難以裁革向來多係微末職銜自無愛惜功名之念且從未將作奸提塘及保送不實之咨官定有處分是以種種弊端無所顧忌請行令各督撫於本省武進士及候補候選守備人員內揀選取具該地方官印結申送咨部頂補三年無過准照本班即用怠惰貽誤者即行斥革如將應密事件豫通信息及設詞恐嚇詐騙一經發覺即交刑部治罪其出結之該地方官及督撫失察者分別議處從之○丁未調覽羅白清為浙江按察使○添設湖南湘潭縣城外巡檢一○庚戌諭內閣吏戶兵刑工五部堂官今皆各殫厥職贊襄政治共相勉勵矢勤矢慎端方自持剷除情弊杜絕請託甚屬可嘉朕深詫之夫大臣果能廉潔自守其用度必稍不敷朕因國家政事資藉大臣之力而使之分心家計朕心不忍五部大臣內除差往外省署事之人外俸銀俸米著加倍給與其署理之大臣亦照此賞給若遇罰俸案件將朕分外所給之俸不必入議○何天培緣事降調以稽曾筠為兵部尚書仍辦理河工事務由吏部左侍郎部內調○是以何世璽為戶部右侍郎仍專管刑部事務○圖理琛緣事革職調三泰為兵部右侍郎通智為禮部左侍郎由盛京工部侍郎部內調○是月免直隸薊州高陽肅甯豐潤博野靜海等州縣雍正五年水災額賦有差

三月壬子諭內閣覽福建巡撫常賚奏稱羅源縣孝子李盛山割肝救其母病傷重身故請加旌表部議以割肝乃小民輕生愚孝向無旌表之例應不准行朕思我世祖章皇帝聖祖仁皇帝臨御萬方立教明倫與人為善而於例慎予旌表者誠天地好生之盛心聖人覺世之至道視人命為至重不可以愚昧而誤戕念孝道為至宏不可以毀傷為正理立法垂訓實有深意但向來地

十明東華錄 雍正十二

有司未嘗以聖賢經常之道與國家愛養之心明白曉諭開導編氓是以愚夫愚婦救親而捐軀殉夫而殞命者往往有之既有其事若不予以旌表恐無以彰其苦志而慰其幽魂所以數十年來雖定不予旌表之例而仍許其奏聞且有邀恩於常格之外者仰見 聖祖仁皇帝哀矜下民之 聖心如是的周詳而委曲也孝經曰身體髮膚受之父母不敢毀傷孝之始也孟子曰事孰爲大事親爲大守孰爲大守身爲大此皆言人子一身乃父母之遺體雖一髮一指不可偶有虧損以傷父母之所貽也孔子曰父母惟其疾之憂蓋父母之心無所不至偶有疾病尚以爲憂設有不自忤逆之子父母怒而矜之若純孝之子則父母之憐愛又當何如也若以己身患病之故致其子割肝肉以充飲饌和湯藥縱其子無恙父母之心斷無不驚憂慘惕不安之理况因此而致傷生又豈父母所忍聞者乎夫父母有疾固人子所當盡心竭力之時而孝道多端實不容效命捐軀於一節孔子曰生事之以禮死葬之以禮祭之以禮是以人生孺慕之誠原通百年而無間者也人子一身承先啟後負荷甚鉅若舍生殞命於倉卒之間而忘宗祀斷續之重非所以爲孝也况人子於親本乎天性儻能盡至誠純孝之實則親病雖篤呼籲請禱力省一身之過誓願爲一正人如此必能感天地動鬼神何須割肝剖股以爲回生之良劑乎家庭之行惟在至誠至敬善體親心不必以驚世駭俗之爲著奇於日用倫常之外也至若婦人從一之義醮而不改乃天下之正道而其間節婦烈婦亦有不同者烈婦以死殉夫慷慨相從於地下固爲人所難能然烈婦難而節婦尤難蓋從死者取決於一時而守貞者必歷夫永久從死者致命而遂已守貞者備嘗夫艱難且烈婦之殉節捐軀其間情事亦有不同者或迫於貧窶而寡自全之計或出於憤激而不暇爲日後之思不知夫亡之後婦職之當盡者更多上有翁姑則當奉養以代爲子之道他如修治積業經理家業其事難以悉數安得以一死畢其責乎是以節婦之旌表載在典章而烈婦不在定例之內者誠以烈婦捐生與割肝剖股之愚孝其事相類假若倣倣者多則戕生者眾爲上者之所不忍也向來未曾通行曉諭朕今特頒諭旨著地方有司廣爲宣布務期僻壤荒村家喻戶曉俾愚民咸知孝子節婦自有常經而保全生命實爲正理則倫常之地皆合中庸不負國家教養於全之德矣儻訓諭之後仍有不受軀命蹈於危亡者朕亦不槩加旌表以成闡闢激烈之風長愚民輕生之習也○癸丑諭戶部君民上下之間休戚相同本屬一體論語曰百姓足君孰與不足是民間之生計卽國計也自古人君無不恤民之災濟民之困者而至於歉歲蠲免之數往往多寡不同者則時勢巖紆爲之出於不得已也如明洪武時凡水旱地方稅糧卽與蠲免成化時凡被災之地以十分爲率減免三分宏治時全荒者免七分九分者免六分以是遞減至被荒四分免一分而止我朝順治初年凡被災之地或全免或免半或免十分之三以被災之輕重定額數之多寡順治十年議定被災八九十分免十分之三五六七分者免十分之二四分者免十分之一康熙十七年議定歉收地方除五分以下不成災外六分者免十分之一七八分者免十分之二九分十分者免十分之三此例見在遵行凡此多寡不同之數或旋減而旋增皆因其時勢爲之亦非先後互異意爲增損也數十年來雖定三分之例然 聖祖仁皇帝深仁厚澤愛養斯民或因偶有水旱而全蠲

本武之祖亦且並無荒歉而輸免天下之賦浩蕩之意不可勝舉而特未嘗更改舊例者蓋恐國家經費或有不敷故仍存成法而加惠於常格之外耳朕卽位以來命怡親王等管理戶部事務清查虧項剔除弊端悉心經理數年之中庫帑漸見充裕以是觀之治賦若得其人則經費無不敷之事用沛特恩將蠲免之例加增分數以惠蒸黎其被災十分者著免七分九分者著免六分八分者著免四分七分者著免二分六分者著免一分將此通行各省知之朕視萬民實爲一體惻隱念切懷懷情殷因思自古無不愛民恤下之人君亦斷無不急公親上之黎庶止以時勢所值各有不同今就目前國用計之可以加惠吾民使沾渥澤是以斟酌分數定爲規條儼將來國用益饒更可加增於此數之外假若經費或有不足凡兩百姓自然踴躍輸將則此例又可變通必不因朝廷格外之恩而遂忘奉公之本念也如此則君民一心上與下各盡其道太和洋溢感格上蒼將見災沴全消雨暘時若豐亨有慶早滂無聞豈不美歟並令各省督撫轉飭有司徧諭鄉村庶庶咸使聞知○乙卯湖廣總督邁柱奏原任武陵縣知縣馬騰衛任內虧空銀兩應於原任巡撫趙申喬名下追賠完項得旨爲督撫者或操守不謹平時勒索屬員或治舉遜名徇情寬縱以示恩惠有此二者屬員虧空當令其分賠如趙申喬當日居官操守清廉又復實心任事毫不訾徇情面實大臣中之罕見者今伊屬員虧空若照例令伊賠補是清正任事之大臣與貪鄙庸碌者同一處分而子孫皆不免拖累殊非激濁揚清之道此項銀兩不必於趙申喬名下著追償趙申喬名下再有似此應賠之項俱照此例免其賠補著該部將此通行各省知之○丁巳大學士田從典以老病乞休允之加太子太師賜帑銀五千兩○戊午命將廷錫爲文淵閣大學士兼戶部尚書以范時繹爲戶部尚書仍留署兩江總督○己未吏部以新補無錫縣知縣江日容崑山縣知縣朱絃帶領引見諭縣令乃親民之官最爲緊要得其人則一縣之事無有不理不得其人則一縣之事多廢弛蓋以縣令百里之內民事可以周知若果實心辦理則古人所謂無一夫不獲其所者乃力所能爲非空文也向來州縣往往以民風之機變者謂爲馴良而可愚以民風之秀穎者謂爲巧詐而難御如無錫崑山自來皆苦煩劇殊不知地方所以難治者皆由縣令未能實心辦理之故耳若果實心實政惠澤及民則秀穎之俗其易治尤甚於機變如無錫崑山地方人多稟山川之秀氣讀書明理者多人心之公道易於感動非如愚樸之人賢否不能一時立辨也縣令果毫無欺僞其效卽旋至而立應有何煩劇難治之理乎凡天下小民總不可欺視之雖若頑蒙而有司所行之政毫不掩其耳目但可以正感而不可以術欺至於州縣徵收錢糧人人皆知需撫字於催科然皆逐末不知其本夫正供之項小民無不樂輸緣不肖有司每於額外浮派以求贏餘或朘民脂膏希圖肥己或上司勒索借爲逢迎以致吏胥乘間中飽百弊叢生小民不勝苦累遂有姦府之徒得持官府之短長抗糧包庇任意拖欠醇良者亦輪納不前矣若州縣潔己愛民毫無浮派則民間正供乃義當完納之項何憚而不早完乎惟當於寅元正供者實意撫恤於實在抗欠之頑戶嚴其催比毫不瞻顧此乃寓撫字於催科之道也卽如爲政之道不外寬猛兩端傳云寬以濟猛猛以濟寬者非謂行數端寬縱之事隨濟以數端之猛行數端猛烈之事隨濟以數端之寬也惟在

斟酌於情理之中宜寬而寬寬而不失於慢宜猛而猛猛而不失於殘寬猛咸得其宜乃為相濟之道未有遇事之先橫寬猛之念於胸中之理也此皆庸迂者錯會古人之意耳向來地方官多有欲借鄉紳之游揚則交結鄉紳而欺陵百姓或欲百姓之稱譽則袒庇百姓而摧折鄉紳不知百姓為國家之赤子豈可徇巨室之私交而肆其陵虐至於鄉紳或祖父為國家宣勞或已身為國家效力又豈可使督轡轉賤於編氓而故為擁擠乎是鄉紳百姓皆不可有成見以待之惟當準之天理人情論其是非曲直物來順應而不為天下先乃能處之各得其平而無一偏之私也每見居官者於莅任之始多喜沽名釣譽行一二巧偽之事以求媚於人不知巧偽之術決無久久可行之理始雖粉飾可觀未幾而行藏畢露其可恥實甚何如秉公持正後先如一乎要之操守清廉乃居官之大本操守素優則實心實政皆能力行而有餘否則大本已虧雖欲竭蹶矯飾而勢有不能故凡居官者必當端其操守以為根本乃可以勉為良吏夫太上言忘身而身存居官者儼能置利害得失於度外一以公忠報國愛民為心則不求名而聲譽自孚不求榮而爵祿自至若不能忘懷得失則舉動時徇行止卑污究之身敗名裂祿位仍不能保實為可憫朕於外肖大小臣工之賢否無不留心體察是以實心任事之員由縣台而洊歷司道以至擢任督撫者頗不乏人爾等當仰遵朕諭實力奉行不惟百姓受爾等愛養之惠亦爾等自求多福之道也○辛酉以何天培署兵部尚書原任兵部尚書○癸亥河東副總河裕曾均奏蘭陽新險工程平穩情形論從來有備則無患覽奏抵禦機宜朕懷似可不為伏秋慮矣雖然天下事往往功成於險變起於平智或有時不及施力亦有時不足恃心一放則必懈弛故書垂無逸之訓而詩載戰戰兢兢之誠也惟當敬慎日增斯須不可去念期共勉之○改文華殿大學士張廷玉為保和殿大學士○辛未調石文焯為吏部左侍郎由曲肅○以吳達禮為盛京工部侍郎由光祿寺卿○癸酉安徽巡撫魏廷珍奏欽縣鄉民違例演戲應加嚴禁得旨雍正元年間鴻臚寺卿李鳳翥曾奏稱鄉邑中共為神會斂錢演戲男女混淆耗費多端應行禁止朕因其所奏合理降旨允行蓋州縣村堡之間借演戲為名招呼匪類開設賭場男女淫泆鬪毆生事種種不法擾害鄉愚此則地方有司所當嚴禁者至於有力之家祀神酬願歡慶之會歌詠太平在民間有必不容已之情在國法無一禁禁止之理今但稱違例演戲而未分晰其條由則是凡屬演戲者皆為犯法國家無此科條也朕之立法皆準諸情理之至當從無不可施行之事亦從無不便於民之事其有不便而難行者則有司奉行不善也况朕屢諭各省督撫若有禁約難行之處即當據實奏聞以弛其禁若陽奉陰違無其實而有其名何以示信失體甚矣又如賭博一事乃應行嚴禁為無可寬者而省會之地尚公然市賣賭具督撫兩司不能覺察豈有將民間不能禁止而國法所不寬禁止者一槩入於禁約之例恐問之督撫大吏亦無以自解也著將此通行曉諭知之○甲戌赫勝額綠事革職以鄂彌達為賈州布政使由中選戶部議准浙江總督李衛等奏經理玉環山事宜一增改文員玉環山地方周圍七百餘里田地十萬餘畝山巒平衍土性肥饒界在溫台之間實為海疆要地請設溫台玉環清軍餉捕同知一員將太平縣界之楚門老岸南塘北塘芳杜東興密溪洞林樂清縣界之磐石清岐三盤黃大嶽狀元嶺等

璉等處俱歸玉環轄裁樂清縣衙店驛驛丞改設巡檢一聽該同知差遣一酌定營制玉環之左右二營設參將一守備二千總二把總四兵九百名以左營爲陸路右營爲水師其添設弁兵卽就近移調撥補請裁磐石營水師參將一守備一千總一把總四兵五百五十名改歸玉環營再撥太平營東畧千總一兵一百一十九名樂清營兵一百名大荆營兵一百名溫州城守營兵三十一名俱歸入玉環營仍添設守備一以足新置弁兵之數其舊隸黃巖磐石兩營防守之院路並磐石營原管之洋面與附近玉環舊隸黃巖之洋汛俱歸玉環營轄玉環營歸溫州鎮統轄磐石營請改爲陸路設都司一千總一把總二兵三百名查該營除移調玉環營弁兵外仍存千總一兵二百七名請裁礮協右營都司一改爲礮石營都司再抽撥台協把總一衛協把總一兵九十三名合原存弁兵以足新定之額仍歸樂清營轄從之○乙亥解柳國勳任以胡濤爲江西按察使由鄂調○裁安徽南陵縣裁嶺司巡檢一○丙子諭內閣朕覽律例舊文於名例內載有八議之條曰議親議故議功議貴議勤議能議貴議議此歷代相沿之文久我朝律例於此條雖具載其文而實未嘗照此例行者蓋有深意存焉夫刑法之設所以奉天罰罪乃天下之至公至平無容意爲輕重者也若於親故功貴人等之有罪者故爲屈法以示優容則是可意爲低昂而律非一定者矣尙可謂之公平乎且親故功貴等人或效力宣勞爲朝廷所倚眷或以勳門戚畹爲國家所倚賴其人既異於常人則尤當制節謹度秉禮守義以爲士民之倡率乃不知自愛而致罹於法是其違理道而蹈愆尤非重里之氓無知誤犯者可比也儻執法者又曲爲之宥何以懲惡而勸善乎如所犯之罪果出於無心而情有可原則爲之臨時酌量特與加恩亦未爲不可若豫著爲律是於親故功貴等人未有過之先卽以不肯之人待之名爲從厚其實乃出於至薄也且使恃有八議之條或任意爲匪漫無顧忌必有自干大法而不止者是又以寬容之虛文而轉陷之於罪戾姑息之愛尤不可以爲優恤矣今修輯律例各條務俱詳加斟酌以期至當惟此八議之條若槩爲刪去恐人不知其非理而害法故仍令載入特爲頒示諭旨俾天下曉然於此律之不可爲訓而親故人等亦各知儆惕而重犯法是則朕欲恤之至意也○諭兵部烏蒙鎮雄等處探夷不法已經剿撫今又有匪類餘黨私自嘯聚見在用兵擒拏所有用兵事宜俱著總督鄂爾泰節制調度其四川建昌等處派兵堵截亦聽鄂爾泰節制調度○以彭維新爲禮部右侍郎調高斌爲浙江布政使以長輅爲廣東布政使史在甲爲山西按察使由鹽運使調○以公元爲廣東按察使由鹽運使調○雲貴總督鄂爾泰奏化導生苗木林工也等一百一十五寨內附○是月免直隸東安邯鄲兩州寶坻等州縣雍正五年水災額賦有差

夏四月壬午吏部議准山西巡撫覺羅石麟奏蒲州爲三晉之咽喉澤州當衝繁之重地僅設直隸州不足以資彈壓請升州爲府各府各設知府一同知一經歷一統轄原隸之四縣附郭各添設知縣一專理一邑之事所有二州學正改爲教諭史目改爲典史再蒲州之永樂鎮距城一百二十里澤州之攔車鎮係南北行旅往來之所請將二府新設之同知分防二鎮以專緝捕之責從之尋定蒲州新升府曰蒲州府澤州新升府曰澤州府蒲州附郭縣曰永濟澤州附郭縣曰鳳臺○丁亥刑部議奏直隸總督夏部

尙書宣兆熊吏部右侍郎劉師恕失察革職六名府知府曾達聖一案應降級調用得旨宣兆熊劉師恕俱著降調督者直隸總督
事務○壬辰諭內閣凡監禁斬絞重犯越獄顯係該管官疏縱之故州縣等官限滿不獲者照例革職仍留地方與接任官協同緝
捕果能將越獄之犯緝拿全獲准將該員送部引見酌量開復俾尙有自新之路若三年限滿仍不能拿獲或不能全獲俱著該督
撫奏聞請旨如此則疏縱者知所儆懼而盡心捕逃者亦尙可邀恩其如何詳細定例之處著九卿議奏尋議嗣後因斬絞重犯越
獄降調之員仍留地方令其設法與接任官協同緝捕如三年限滿一名不獲照二名不獲例降三級調用二名不獲照三名不獲
一名例革職二名不獲後止獲一名者仍照二名不獲例降三級調用軍流以下人犯越獄脫逃應仍照定例一二名者罰俸一年
三四名者降一級調用從之○甲午以程沆爲內閣學士由通政使遷○庚子予告大學士田從典行至良鄉縣病故遣疏聞得旨田從
典才品優長老成練達端方公直恪慎勤謹自辦理部務以及簡任綸扉實心宣力勤勞懋著屢以老病乞休情詞懇切朕因允其
所請加太子太師銜以原官致仕賜以幣金馳驛回籍冀其順養康健於一二年後再來京陛見以慰朕眷念老臣之意忽聞患病
遽逝朕心深爲軫悼遣散秋大臣一員三旗侍衛六員往奠茶酒並念伊子年齒尙幼無辦理事務之人遣內閣漢學士一員滿洲
侍讀學士一員前往辦理地方官酌量委員沿途照看送至原籍其應得卹典著察例具奏伊子年幼家居苦山西巡撫傳諭該地
方官時加照看新舊接任之員俱將此旨傳知通行遵奉前朕賜田從典扁額對聯可暫於巡撫衙門收貯俟諭祭之時於兩司中
令一人齎往頒賜○壬寅諭內閣錢糧之加耗羨原非應有之項朕勅求治理愛養黎民欲將此項全行禁革而博探輿論留心體
訪凡爲州縣地方官實有萬不得已公私兩項之用度若全革耗羨其勢必不可行爲有司者果能減輕收納不苛取於民在民亦
所樂從此耗羨所以未盡裁革之故也州縣既有耗羨而上司官員無以養廉勢不得不收州縣之餽送是上司冒貪贓之罪以爲
日用之資在謹慎小心者則畏懼而不敢行必至過於窘迫而貪取濫用者又因無所限制借規禮之名恣意橫索弊端種種州縣
公私之用既有不敷必致加派巧取爲害於民况上司既收屬員之規禮則必有瞻顧回護之處而下屬反得操上司之短長於民
吏之道大有關係所以雍正二年間山西巡撫諸帳請以通省耗羨提解存公將閩省公事之費及上司下屬查廢之需咸取於此
上不誤公下不累民無偏少之弊無苛索橫徵之擾實通權達變之善策朕是以降旨允行此提解火耗之所由來也向來山西虧
空甚多隨帑久虛不能彌補從前撫臣多請將虧空之員革職留任以爲彌補之計夫以不肖之徒令其留任還帶是以虧空愈議
官之符不但無益於國計亦且有害於民生而德音在任又借彌補虧空之名提火耗以肥私囊及諸帳接任潔已奉公實心辦理
將虧空劣員悉行參革州縣火耗嚴行裁減而酌留羨餘以補無著之虧空誠不累及於閭閻而有司亦免參罰又爲官員定養不
之資爲公事留辦理之費諸帳此舉於國計民生上下公私均有裨益然伊當始行之時不但督省屬員怨望而內外臣工皆有異
詞朕被時降旨曰此事惟如諸帳之費撫方能行之耳蓋朕之意原聽各省督撫自爲之而至於不能行之督撫不便行之地方則

朕並未強之使行也諾岷舉行之後隨有數省倣效其意提解十分中二三以備公用亦以地方公務繁多若不豫備計需則一時需費仍至累及小民然此亦皆督撫自行奏請者非由朕諭也伊都立接諾岷之任曾奏山西虧空漸次清楚將來耗羨便可充餉朕嚴切訓飭曰本地之羨餘止應作本地之用度若歸公充餉斷無是理且恐相沿日久遂成公項不肯官員竟有重複徵收之事矣田文鏡亦曾奏稱豫省虧補已清火耗尚有贏餘等語朕批示之曰此項耗羨原係豫省官民之物假使果有盈餘則當增添官員養廉之資使其用度寬裕儻再有盈餘則當再減民間火耗之數使其儲蓄充盈蓋朕之准其提解耗羨者原是愛養官民之苦心若以支給地方公用之外尚有餘費即准收作公項朕必不為也前陳時夏亦具奏欲行提解耗羨之法因其有分別地方有無多寡之語朕諭之曰政令之行必須各屬一體方得均平若有所分別便可高下其手易滋弊端諭旨如此聞陳時夏向人云奉旨令全提耗羨此乃陳時夏自行奏請之事而以其名歸之於朕朕不受也今魏廷珍又效法之以上江提解火耗之事具摺陳奏恐外人不知亦以為出自朕意故特頒此旨明白曉諭蓋提解火耗之舉若行之果善亦督撫分內之事不得居功儻行之不善實足為伊身家性命之患無所逃罪總在伊等自行度量其願行者朕不拒阻其不願者朕亦不强也○癸卯福敏綬事革職以查郎阿為吏部尚書三泰為左都御史由兵部右侍郎調○乙巳調嵇曾筠為吏部尚書仍辦理副總河事由兵部調何世基為吏部右侍郎由戶部調○吏部議覆浙江總督李衛奏遵旨揀選舉人題補教職今選何玉機等九十員分別科分名次次過缺咨部補用歲底彙題得旨教職雖非州縣可比亦係職守官員無咨部補用年終始行彙題之理嗣後補用教職人員著每月一次具題永著為例○丙午黃煊練事革職調徐鼎為湖北布政使以楊紹為直隸布政使由山東按察使調○戶部議准山西巡撫覺羅石麟奏山西之蔚州與直隸之蔚縣界址交錯疊俱歸直隸宣化府轄廣昌縣與蔚縣縣治村莊俱相交錯而蔚縣向設廣昌巡檢一止經管廣德一里請將廣德地方歸併廣昌仍隸山西大同府轄其巡檢缺裁廣昌守備向係宣化蔚州路轄應令專屬山西靈邱路參將轄從之○丁未餘內閣凡辦理府州縣事務若得曾經出仕諸練之人於地方實有裨益朕愛惜人才於罷斥之員常降旨調來引見以觀其才具之優劣不忍令其棄置今思從前因公註誤之員其中未必無才守可觀者著吏部行文各省凡知府同知通判知州知縣任內除大計特疏糾參外其因公註誤降革者該員曾經居官五年而離任之後交代清楚無錢糧案件未清之處准本人親赴吏部具呈吏部不拘人教即行奏聞考試履歷帶領引見候朕酌量起用起用之後若有貪婪不法再經參出必嚴加治罪儻係平庸無能或行止不端之人妄自陳請希圖僥倖者亦難逃朕之鑒察○是月免直隸永清文安玉田容城等縣所雍正五年水災額賦有差

五月癸丑以金祺為廣西巡撫張元懷為廣西布政使常安為廣西按察使由山西調○丁巳戶部議准川陝總督岳鍾琪奏綏德州所隸綏德衛地雜處於綏德米脂靖國三州縣及榆林中十營堡之中其間有阻隔一縣而遙為管轄者亦有四圍俱係縣土而一區孤懸者地既分歸民亦散處該管官難於經理請將該屬地方近州者仍歸州轄近縣者改歸縣轄從之○戊午雲貴總督鄂

爾奏奏東川雖久改流而六營長九伙目俱沿舊習各踞一方有則補營長祿世豪法憂伙目祿天佑素稱兇悍爲害邊疆今祿天佑已經擒獲見在安設防汛祿世豪前已被擒解司供擬在案二兇既靖一郡悉甯其餘營長伙目俱可漸次整理得旨平定東川在事官兵勤勞效力甚屬可嘉著卹卹奏查明分別等次具題交部議敘賞資○壬戌諭內閣據山西太原總兵官袁立相稱平垣營家備梁玉年已六十八歲雖干八法而精力不衰且操守廉潔辦事敏練等語夫八法內開列年老著蓋謂其衰老不能辦事酌令罷斥並非限定年逾若干卽入於八法之內也若限定年歲以爲處分則年齒未老而早衰不能辦事者又將姑容之乎况年老諳練事務之人尤爲難得備精力可用該上司當優待之以爲後進之表式今袁立相既稱梁玉精力不衰而操守廉潔辦事敏練止因其六十八歲遂將伊填入八法參劾之內殊非體朕愛惜人才之意梁玉著仍留任並令袁立相酌量梁玉既年老歷練若可勝遊擊之任將來遇有缺出著卽題補○江西巡撫布蘭泰參奏小溪驛驛丞送上司規禮得旨從前上司各官無養廉之資勢不得不受屬員之餽送而屬員之力難以供應故地方陋規不能悉行裁革數年以來朕百計籌畫爲大小官員酌定養廉之項使公私有賴俯仰無憂儻再有索取規禮者自當重治其罪至於從前之陋規各省各項何處不有今若但就一二事參劾懲治而其餘悉置之不問則嚴於此而寬於彼用法不得其平若將既往之事一一追溯查參恐大小官員無人得免處分繁擾紛紜殊非爲政之體况不教而加之以罪乃聖人之所戒如貪贓侵帑甚有關係之事自不可隱匿姑容以長貪風而廢國法使學吏不知儆懼若地方多年相沿之陋止當禁約於將來不應追究其既往即使本人自首情願繳出亦止應具摺請旨或將此留爲地方公事之用今乃顯然具本題參且欲將此銀歸作公項非情理也此案不必究問著該部行文將朕此旨訓諭布蘭泰○乙丑以李世倬爲陝西甘肅按察使由四川松茂道遷丙寅諭吏部人臣和衷共濟始於公事有所裨益今直隸總督宜兆熊劉帥恕意見不合諸事差舛屢加訓飭不能悛改若仍令同辦總督事務必致貽誤宜兆熊原係庸碌之人朕因其操守一節尙有可取故試用之自著福建直隸兩任觀之全不曉事著回京照部議所降之級補用吏部侍郎何世璜著署理直隸總督事務仍著劉帥恕照前一同辦理○丁卯諭兵部富甯安署西安將軍事務以來爲時已久所出員缺並未題補一次省城官弁乃定額之缺俱有管兵之責關繫甚重富甯安之意以爲伊乃署印將軍苟且推卸俟常色禮到日聽其補放曾不計及伊身之署理或久也常色禮於今歲臘月自軍中至京明正方到西安如許員缺安可經年虛懸富甯安在巴爾庫爾出征處爲將軍十餘年西安兵丁認識大半凡遇員缺遽宜卽中題補况爲見任大學士非比別項小職銜之署將軍事務者朕向日聞伊操守好辦事誠篤自爲大學士以來恩賜頻仍錫封侯不見眷優渥富甯安理應屏除一切奮不顧身將國家事務實心辦理乃凡事惟自圖保全視國家之事與伊了無干涉深負朕恩富甯安見解將軍印務著交兵部嚴行察議尋議著西安將軍富甯安受 皇上洪恩寵眷優渥乃西安駐防武職關繫甚重而富甯安並不題補一次視國家之事漫不經心深負 皇上任用之恩應將富甯安照例革職所得一等侯世職一併革去母舅富甯

文營革去恩賞世職其去大學士之處著從寬免○已諭內閣國家舉行大計乃三年考績之大典其中卓異人員皆加以特恩不次擢用誠以該上司爲國家薦拔人才必深知灼見然後列爲卓異斷無有徇私受託草率冒濫以負國恩而辱鉅典者而到任未久之上司不能深知屬員之賢否又准其題請展限以俟確訪如此則屬員人品之邪正自無有不能辨晰之理乃見有從前卓異之員而後任內竟至貪贓枉法罹於重罪者夫以三年之久數百屬員之多保舉數人以光大典則非一時應詔薦舉可比也其人既犯貪贓枉法之條則平日必係行止姦邪之輩又非尋常註誤及才力不及之類可比也督撫提鎮等專以察吏爲務而乃以此等之人列爲卓異及至敗露之後尙可藉口於知人之不易不能保其將來乎此等若不定以處分恐相沿日久必有濫舉失實之弊嗣後文武卓異官實有犯貪贓不法之款而審訊確實者將從前列爲卓異之上司一併議處儻於該員未敗露之先有能查出參奏者免其處分其如何定例之處著九卿詳議具奏尋議嗣後文武卓異之員原任內有濫行貪黷不法之處原薦舉卓異之上司不行揭報題參者督撫提鎮降五級調用司道府副將遊擊等均行革職若文武官員卓異之後或復回本任或升轉他官別犯貪贓不法之款其原薦舉之各上司仍同在一省不行揭報題參者督撫提鎮降二級調用司道府副將遊擊等降三級調用如不在一省無容揭報題參者督撫提鎮降一級調用司道府副將遊擊等降二級調用不准抵銷從之○命領侍衛內大臣公馬爾賽在學士內辦事○辛未何天培練事革職以石文焯爲兵部尙書

曲史補遺

○壬申諭內閣張坦麟從前需通倉監督乃倉

務廢弛已極之時惟有張坦麟所管廩庫整齊堅固米石無虧則張坦麟之實心爲國家辦事不爲習染可知矣及朕卽位用爲兩淮鹽運使伊別除弊端一座不染則其操守又可知矣及用爲蘇州藩司到任後陳時夏卽與之不合朕因撫藩既相齟齬不便仍令共事一方將張坦麟調任山東俾兩人各辦職任之事今當交代之時陳時夏令趙向奎勒掇吹求百計播弄且違旨不令速赴新任必欲使張坦麟在蘇藩任內得受過愆以彰張坦麟之非而成己之是此等用意豈能逃朕之鑒察乎卽據陳時夏奏摺中稱張坦麟交存銀二萬餘兩曾經奏明充餉又復云此項終成虧空不思此項既已歸公何以又成虧空是陳時夏之言不過欲歸過於張坦麟而不自覺其自相矛盾矣且督撫同在一方見聞確切總督范時繹極稱張坦麟居官之善而陳時夏則力貶之豈非出於私意乎大凡督撫不能甄別屬員優劣卽爲不能勝任朕以大公至正之心聽言觀人無絲毫偏向之處諸臣斷不能欺朕之耳目卽如各省藩臬赴新任朕多准其具摺奏事蓋欲周知地方之情形或有爲督撫所不及知者或有爲督撫所不肯言者故令兩司得以陳奏且觀其居心之邪正公私朕嘗諭之曰朕並非疑督撫而信爾等也若信任爾等過於督撫卽當以爾等爲督撫矣何以尙在兩司之列乎此凡任兩司者人人共知之諭也况設計傾陷朋比黨同乃朕之所深惡更須諭旨訓飭今趙向奎聽從陳時夏指使深負朕簡用之恩蘇松民情聰慧多有好用智巧者陳時夏誠黨有餘兩才識不足不能勝蘇撫之任著解任往山東署理布政司事陳時夏既稱張坦麟蘇州任內錢糧不清著將張坦麟仍留江蘇著理巡撫印務看陳時夏張坦麟任事之後辦理如何

再降諭旨○乙亥諭內閣田文鏡自到河南以來忠誠體國公正廉明豫省境內吏畏民懷稱爲棠上以筑上感天和從前三年收成豐稔而今歲八府各州二麥復登大有又如連年豫省黃河工程當暑雨時行之際全無泛溢此天地嘉佑之明驗吏治民風之善實爲直省第一鄂爾泰公忠勤誠實心任事經理咸宜是以雲南地方連歲豐登今年通省郡縣以及番蠻荒僻之地二麥皆十分收成滇省父老稱爲罕觀從來天人感應之理捷如影響若各省督撫皆能如田文鏡鄂爾泰則天下允稱大治矣朕久欲用田文鏡爲他省總督因豫省官民受其化導無綏深切愛戴朕不忍令其舍之而去今思山東民俗官方宜加整理而河南與山東地界相連以田文鏡之精神力量辦理兩省之事綽然有餘著將田文鏡授爲河東總督管理一區事務凡山東應行關會總督案件俱照別省總督之例定限辦理山東官吏不得藉口有所稽遲此朕因人設立之曠典不爲定例○諭兵部山西太原總兵袁立相老成練達實心任事幾次欲用爲提督因太原一鎮甚屬緊要是以未用於他省著授爲提督節制山西全省此朕因才而用者不必爲例○需員總督鄂爾泰奏苗賊刀正彥主使兇類號召窩泥肆行利害臣調遣官兵弁兵擒剿深入牧榮等寨直搗賊巢首逆黨與悉就擒撫得巨鄂爾泰著議敘具奏其在事官弁兵丁於煙瘴險遠之地勤勞效力著從優議敘實資提督郝玉麟亦著從優議敘尋議雲貴總督鄂爾泰應加二級提督郝玉麟應加二等授都督同知其在事有功官弁兵丁俟造冊到日分別升賞從之○是月免江南無爲宿松等五州縣直隸天津州雍正五年水災額賦有差

六月庚辰朔諭吏部向來滿洲官員各按旗分升轉如該旗不得其人則俸淺者往往驟得推升該旗人多卽俸深者升轉亦致遲滯似於銓法未爲均平朕意筆帖式等自當按旗補用至主事以上等官或可不拘旗分通行論降升轉但此例由來已久在當年定例之初必有深意爾部會同滿洲大學士各部滿洲堂官及八旗管旗王大臣等秉公據理詳悉妥議具奏尋議滿洲官員向有旗缺異缺公缺之分後因升轉不均於康熙八年將各部堂主事改爲公缺又於康熙十年將各部郎中亦改爲公缺八旗通行論俸升補惟員外郎主事等官今仍按旗升轉銓法實未盡一嗣後請將員外郎內按翼按旗補用之員照郎中例改爲公缺主事內按旗補用之員照堂主事例亦改爲公缺其內閣中書監察御史給事中向係旗缺工部製造庫郎中向係翼缺俱改爲公缺至旗缺異缺公缺向來各立班次今既一併改爲公缺應將郎中爲一班員外郎爲一班主事爲一班其刑部司官例用通曉漢字之人應另立一班入旗通行論俸升轉又各項革職降調人員有指復原職原級及經保題並照伊所降之級補用者非奉特旨開復樂不遍論前俸捐納人員向例試俸三年各項議敘人員應亦令試俸三年若議敘捐納人員內有本無前俸五年奉特旨補用之人無前俸者試俸二年其各項應升員外郎之主事等官俱令試俸二年再行遍論前俸升轉至試俸年限未滿之前遇有缺出升轉恐致乏員應令吏部行文各部院將應升人員保送引見欽點補授如此則銓法畫一而各員升轉得以均平矣從之○移湖北漢陽府通判駐漢口鎮荊州府糧捕通判駐沙市○予故太子太師文華殿大學士致仕田從典祭葬諡文端○壬午刑部議覆福